

putrefacta est. Ideoque bene Augustinus (incertus scilicet sermonis auctor Augustino adscripti) ait: Tam praeclarum thesaurum servare dignius est cælum quam terra; tantamque integratatem merito incorruptibilitas, non putredinis ulla resolutio sequitur (1). » His concinit Aquinas, cum ait: « Cum corpore (Maria) est assumpta in cælum. Credimus enim, quod post mortem resuscitata fuerit, et portata in cælum: Psalm. 431: *Surge, Domine, in requiem tuam, tu et arca sanctificationis tue* (2). » Hoc loco Petrus Galatinus contra Thalmudistas utitur, quo Virginem Mariam mox resuscitata et in cælum assumptam probat (3).

PARABOLÆ SALOMONIS

PARABOLÆ SALOMONIS FILII DAVID
REGIS ISRAEL

1. *Filius patri, Salomon Davidi plane cohaeret. Ille sane Virginem Mariam specialius commendat a fortitudine: *Mulierem fortem quis inventiet* (4)? Textum hunc magnus Albertus sic concinne tradidit: « *Mulierem fortem quis inventiet*, sicut Mariam? Tria sunt quibus fortitudo maxima appropriatur, scilicet Deus, mors, et diabolus. Deum per humilitatem quodammodo superavit. Item mortem, cui nemo mortalium resistere potest, superavit resurgens. Item diabolum in nihilum cum omni ejus potestate rededit (5). »*

(1) Spec. B. M. Virg. Lect. II, 38.

(2) Opusc. 4 in Expositione Salutat. Angelicæ.

(3) De arcanae catholicae veritatis, lib. 7, c. 10.

(4) Prov. cap. ult., vers. 10.

(5) Biblia Mariana liber Parabolarum, n. 8.

2. *Non extinguetur in nocte lucerna ejus* (6). Petrus Bleesensis hac in re apte disserit: « Hæc est illa mulier fortis, quam Salomon patruus prophetando non dubitando quærebatur. Sapiens inter ejus laudes accenset, quod ejus lucerna non extingueretur in nocte, saepè enim in sacris eloquiis noctis tempus pro mortis tempore accipitur (7). » Quare si lucerna ejus seu vita Deiparentis tempore mortis extincta non fuerit; igitur e tumulo gloriosa surrexit. Huic autem interpretationi et A Lapide subscibit, qui hunc locum expendens, ait: « Dum moritur, illico resurrexit (Maria), ac tam corpore quam anima felix et gloriosa assumpta est in cælum; quare mors illi non tam mors quam vita fuit. Lucerna ejus ergo, id est vita ejus non fuit morte extincta sed magis accensa (8). »

3. *Omnes domestici ejus vestiti sunt duplicibus* (9). Cum autem Maria specialissime fuerit domestica Christi, dum vitam agebat mortalem, nunc duplicibus eam vestitam, scilicet veste gloriosa animæ, ac alia splendida corporis, jure meritoque putaverim. Unde Richardus a S. Victore: « O! quam præclara rutilat duplicibus vestita, vere surrexit dulcis mater Christi. »

Ad cætera vero pergit Sapiens: *Fortitudo et decor indumentum ejus, et ridebit in die novissimo* (10). Quibus verbis instruimur, incorruptibilitatis vestimento præcinctam fuisse sideribus Virginem Deiparam receptam.

(6) Prov. Ibid., vers. 18.

(7) Serm. xxxiv de Assumpt.

(8) Comment. in cap. xxxi Prov.

(9) Prov. Ibid., vers. 21.

(10) Prov. Ibid., vers. 25.

Hæc sententia cum illa bene congruit quæ ait: *Adstitit regina a dextris tuis in vestitu deaurato, circumdata varietate. Quinam deauratus vestitus? corpus reginæ, nempe Virginis, auro cælestis gloriæ circumamictum, uti nuper explicavimus.*

Mulieris fortis laudationem perficit Sapiens: *Multæ filie congregaverunt divitias, tu supergressa es universas* (1). Ad quæ scite Leo inquit: « Deus, hujus specie ac pulcritudine captus, ex omnibus unam hanc sibi matrem de legit, ex que ejus sanguine humanam assumens formam quæ defluxerat, in pristinum statum restaurat (2). » Qualiter autem Maria supergredetur universas creaturas in divitiis, nisi modo non tantum divitias animi, verum etiam præ cæteris divitias gloriosi corporis haberet?

LIBER ECCLESIASTES

VERBA ECCLESIASTES FILII DAVID
REGIS JERUSALEM

1. Qualiter in hoc libro Deiparentis Assumptio cælitus picta nitescat, paucis ac nitide videamus. *Oritur sol, et occidit, et ad locum suum revertitur: ibique renascens gyrat per meridiem* (3). Iste sol Virgo Maria, qui ortus est toti Ecclesiæ, quando nata fuit; occidit, quando per tres dies, uti Christus, contumulata permansit; ad locum suum reversus est, quando in cælo coruscans, super angelorum choros collocata sublimiter

(1) Prov. cap. ult., vers. 29.

(2) In B. M. Virg. Assumpt., Orat. xiv.

(3) Eccle. I, 5 et 6.

fuit. Id magnus Albertus evincit: « Imperatrix Virgo Maria commendatur a Salomone a suæ nativitatis utilitate, et assumptionis suæ gloriæ. Eccle. I: *Oritur sol, et occidit, et ad locum suum revertitur* (4). »

Ibique renascens gyrat per meridiem: hisce verbis declaratur agilitas gloriæ Deiparæ corporis; gloria namque corpora quatuor illis dotibus fulgebunt quas recenset Apostolus (5), scilicet claritate, impassibilitate, subtilitate et agilitate.

2. *Dixi in corde meo de filiis hominum, ut probaret eos Deus, et ostenderet similes esse bestiis. Idcirco unus interitus est hominis et jumentorum, et æqua utriusque conditio... de terra facta sunt, et in terram pariter revertuntur* (6). Si forte perquirimus rationem, quare cum bestiis quoad corporum resolutionem parem homines tetricam sortem patientur, hæc alia nequit esse nisi culpa, nisi crimen. Hanc tamen legem Deiparentis Assumptio tamquam exceptio mirifice roborat; etenim ipsa, cum a quavis integra manserit labo peccati, a quavis etiam integra mansit labo putredinis.

3. *Dulce lumen, et delectabile est oculis videre solem* (7). Sed quam dulcius et delectabilius est oculis corporis æterni verique Solis qui radiat in cælo pulcherrimus, magnum videre splendorem, ejusque dulcedine frui!! Verumtamen hac prærogativa Christus et Maria tantummodo pollent, quum ille gloriosus ascenderit, ista

(4) Biblia Mariana liber Ecclesiastes, n. 1.

(5) I. ad Cor. xv, 42 seqq.

(6) Eccle. III, 18 seqq. (7) Eccle. XI, 7.

gloriosa pariter assumpta sit. Unde biblicus locus utrumque dumtaxat designare mystice queit.

CANTICA CANTICORUM

OSCULETUR ME OSCULO ORIS SUI

1. De beata Virgine totum hoc canticum explicat Rupertus, Guilielmus, Rosecus, Honorius augustodunensis, Hailgrinus, Cardinalis Alanus, Placidus, Nigidius et Joannes Picus carthusianus, ut ait Cornelius A Lapide. Nos autem totum hoc magnum divinumque carmen pro Assumptione Deiparentis esegetice depromemus atque discutiemus.

Ecce tu pulcra es, amica mea, ecce tu pulcra es, oculi tui columbarum (1). Bis pulcram sacer Sponsus appellat Virginem Mariam; quia tum in anima tum in corpore pucherrimam conspexit. Si Virgineum porro corpus, nitore pulcridinis amisso, in sepulcro jaceret, clamitare Sponsus non pergeret: *Ecce tu pulcra es, amica mea, ecce tu pulcra es.* Immo Sponsus Sponsam nedum bis pulcram, sed absolute pulcram vocat, et ideo in anima et corpore pulcram; *nihil enim excipitur, mellitus ait doctor, ubi distinguitur nihil.* Divinus autem Sponsus pulcherrimum suæ Sponsæ corpus, toto venustatis nitore caligante, putrificari pateretur? Rationem deinde suppeditat, inquiens: *Ligna domorum nostrarum cedrina, laquearia nostra cypressina* (2). Ad quas voces A Lapide scribit: « Beata Virgo fuit quasi domus, templum et cælum cedrinum et cypresnum; in qua habitavit Ver-

(1) Cant. Cantic. I, 14. (2) Ibid. vers. 16.

bum. Audi Alanum: domus hæ intelligentur corpus Christi et corpus Virginis, ligna domorum substantiæ corporum, quæ dicuntur cedrina id est imputribiles. Cedrus enim imputribilis est, sicut enim credimus corpus Christi putredine non esse resolutum, unde legimus Ps. 45: *Non dabis sanctum tuum videre corruptionem:* ita probabile est a corruptione putredinis alienum esse corpus Mariæ. Unde S. Augustinus in sermone de assumptione Mariæ Virginis, Non solum, ait, carnem quam Christus assumpsit, sed etiam carnem de qua assupsit, credimus esse assumptam in cælum. Unde in oratione edita legitur: *Non tamen mortis nexibus deprimi potuit.* Et nisi resurrexerit, quare de ipsa dicitur, *Assumpta est Maria in cælum? Laquearia nostra cypressina?*

2. En dilectus meus loquitur mihi: *Surge, propera, amica mea, formosa mea, et veni* (3). Hisce verbis instruimur, tria Deum in Virgine patrasse sublimia portenta, suam mirabilem Conceptionem, suam mirabilem Maternitatem, suam mirabilem Assumptionem. *Surge, vive scilicet in anima et corpore;* siquidem in animæ et corporis unione nostra vita consistit: *surge tamen et vive, non sicut cæteri mortales qui sunt natura filii iræ,* sed sicut *amica mea sine labe, sine culpa.* *Propera,* scilicet evola tamquam columba mea in sublimis dignitatis culmen, ad divinam Maternitatem. Denique *veni,* sed quemadmodum vivere cœpisti cum anima et corpore; quia es *formosa mea,* et *jam hyems*

(3) Cant. Cantic. II, 10.

PARS SECUNDA

163

transiit, imber abiit et recessit, brevis nempe mortis hyems, ærumnarum atque dolorum imber. Quare sanctissimam bizantinæ urbis Patriarcha Germanus Mariam alloquebatur: « Tu, juxta quod scriptum est, *speciosa es,* tuumque illud corpus virginale totum sanctum est, totum purum, totum Dei domicilium, ut ideo quoque a resolutione in pulvere sit liberum. Quod quidem ceu humanum, ad summam incorruptionis vitam sit immutatum, sit nihilominus ipsum incolume et pergloriosum, perfectæ vitæ consors et pervigile, quatenus impossibile erat, ut mortuorum sepulcro clausum teneretur quod vas Dei susceptivum esset, ac sanctissimæ Unigeniti deitatis animatum corpus (1). » Hinc Augustus Nicolas, egregius sane vir, ad argumentum scribit, Mariam tanto Dei amore flagrasse, ut divinæ Maternitatis gaudia promeruerit, et a-

(1) Orat. in Deip. Concept.

(2) Hæc ille: « L'amore di Maria pel suo Dio, così forte nel principio, che ha attirato questo Dio a diventare suo figliuolo, così accresciuto prodigiosamente dall'operazione dello Spirito santo che ne l'ha renduta madre, così consumato da tutta una vita di fedeltà e di martirio, quest'amore di figlia, di sposa e di madre di Dio, il più spirituale, il più divino, e per conseguenza il più potente di tutti gli amori, giunto il suo colmo ha dovuto spezzare i legami che lo ritardavano dal suo supremo oggetto, e portare la madre verso il figlio, la sposa verso lo sposo, la figlia verso il padre, con tutto l'impero, con tutto il peso della natura, della grazia e della gloria. È questo amore e non la morte che ha separato l'anima dal corpo della Vergine santissima, e che li ha ricongiunti subito per unirli per sempre nel seno di Dio. I tratti della morte sono dissolventi, che recano la corruzione; quelli dell'amore sono tratti vivificanti che operano l'unione, la congiunzione dell'esere amante e dell'essere amato. Che sarà dunque de' tratti dell'eterno amore che unisce il suo più degno soggetto col suo supremo centro? »

moris vi defecisse, ut in cælesti gloria Christum nanciseretur: unde Deus ut tanta charitatis incendia temperaret, dulcissima voce dormientem suscitat: *Surge, propera, amica mea, columba mea, formosa mea, et veni,* quibus ille verbis eam in gloriam immortalē deduxit (2).

3. *Ostende mihi faciem tuam* (3), scilicet faciem humilitatis quam ostendisti in incarnatione dicens: *Ecce ancilla Domini;* faciem palloris quam ostendisti in mea passione; faciem summi decoris quam ostendisti in tua Assumptione. Ita magnus Albertus (4).

— *Quæ est ista quæ ascendit per desertum, sicut virgula fumi ex aromatibus myrræ et thuris, et universi pulveris pigmentarii?* ... *Ecce lectulus Salomonis, columnas ejus fecit argenteas, et reclinatorium ejus aureum, ascensus ejus purpura* (5). Quæ divus Andreas cretensis expendens, sic in-

Questo centro finalmente con le sue sovrane attrattive ha dovuto precipitare Maria negli abissi infiniti della sua bellezza, della sua beatitudine e della sua gloria. Per averne qualche idea, bisogna figurarsi che Dio si comunica alla sua creatura in ragione dell'amore, dell'umiltà, della fedeltà che ella arreca nel suo commercio con lui. La bellezza di Dio risponde all'amore, la sua gloria all'umiltà, la sua felicità alla felicità dell'anima. Se dunque da una parte, consumata dal celeste amore Maria esala morendo questo canto della sua anima accessa: *Ite, denunciate diletto meo quia amore languo, mitigat flamas, temperate incendium, fulcite me floribus, stipite me malis quia amore languo.* D'altra parte il Diletto dell'anima sua non la lascia lungamente in questo spasimo d'amore, egli la risveglia con quella voce potente che fece uscir Lazzaro dalla tomba, ma pigliando per lei gli accenti della più soave tenerezza, le dice: *Surge, propera, amica mea, columba mea, formosa mea, et veni,* (La Vergine Maria, tom. II, p. 515).

(3) Cant. Cantic. II, 14.
(4) Biblia Mariana, Liber Cantici, n. 6.
(5) Cant. Cantic. III, 6 et 10.

clytam Dei Matrem alloquitur: « Te sacer Canticorum liber prædescribens, indicavit: *Quæ est hæc quæ ascendit ex solitudine tamquam rami fumi suffita myrrha et thure ex omnibus pulveribus unguentariis?* Ecce lectulus Salomonis, etc. (1). » Porro memoratae sententiae ex sacro Canticorum carmine deceptæ circa corporæm Deiparentis Assumptionem, uti liquet, interpretari facile possunt.

4. *Tota pulcra es, amica mea, et macula non est in te* (2). Cur tota describitur pulcra Virgo Maria? B. Jacobus de Voragine petit atque respondet: « In corpore et anima assumptionem (B. M. V.) requiri potentia, sapientia et bonitate Dei. » Potenti mox præstantique facundia diversis ad piam hanc opinionem adstruendam rationum momentis in medio productis, inquit: « Requirit ergo potentia Dei, sapientia, justitia et bonitas quod Virgo Mater non tantum in anima sit glorificata, sed etiam in corpore sit stola immortalitatis induita (3). » Genuensium archiepiscopo sanctus Andreas cretensis præluserat eadem hæc commentatus; inquit enim: « Quænam vero tuum corpus delibutura sunt unguenta? corpus illud suave flagrans, corpus intemeratum, corpus illud boni plenum, remissionem scaturiens, manans incorruptionem; corpus ex quo divinitatis conciliatio, corpus in quo fit consummatio, per quod est salus. Tu enim es illa vere pulcra, et macula non est in te (4). »

5. Sacra Sponsa divino amore suc-

cens in hanc vocem, æstuantis animi suspirium dulciter erumpit: *Veniat dilectus meus* (5). Sacer iste fervor et ardor, ista, qua languebat Sponsa, beata febris non est ab igne voraciter consumente, sed ab igne potius nobiliter perficiente: præ magno siquidem faciei Sponsi videndæ desiderio, tedium vitæ summopere patiebatur, et vix præsentis exilii moras sustinebat; hinc et resurrectione præventa, Deo ejusque Filio et Sponso conjungivehementer exoptabat. Id melius innotescit ex iis quæ mox subsequuntur: quorsum enim *Dilecta discupit ad suum venire Dilectum? In hortum suum.* Omnes autem exegetæ doctores in eo collineant, ut *hortus* ille benedictum purissimumque Virginis Deiparæ claustrum, unde dulcissimus in nos veræ vitæ fructus manavit, intelligi proprie vereque debeat. Id autem sacra Sponsa petebat, ut Sponsus suum corpus invisens, ex amoris somno illud excuteret, et in cælum sua virtute gestaret. Hinc recte brevissimo eo temporis spatio quo sepulcro decubuit, hæc poterat usurpare verba: *Ego dormio, et cor meum vigilat* (6). Ast *Dilecti vox protinus auditur pulsantis et dicentis: Aperi mihi, soror mea, amica mea, columba mea, immaculata mea.* Et Sponsa vix ubi de sopore suo expergfacta Sponsum conspexit, ut in illas eruperit voces: *Surrexi ut aperirem dilecto meo; manus meæ stillaverunt myrrham, et digitæ mei pleni myrrha probatissima* (7), nulla videlicet cor-

(1) Orat. iii in Dormit. Deip.

(2) Cant. Cantic. iv, 7.

(3) Serm. iii in Assumpt. B. Virg.

(4) Serm. in Dormit. S. Marie.

(5) Cant. Cantic. v, 1.

(6) Ibid. vers. 2. (7) Ibid. vers. 5.

PARS SECUNDA

165

ruptionis labi coquinata, et stola immortalitatis induta surrexi et Christo meo gaudenter occurri.

6. *Quæ est ista quæ progreditur quasi aurora consurgens, pulcra ut luna, electa ut sol, terribilis ut castrorum acies ordinata* (1)? Quæ sic Hildelbertus cenomanensis explanat: « Hodie B. Virgo et animæ beatitudinem et glorificationem corporis est adepta, quod ne cui veniat in dubium auctoritatibus adstruamus. Hodierna clamat oratio, nec tamen mortis nexibus deprimi potuit. Eamdem etiam ad imitationem angelorum in ascensione Domini dicentum, quis est iste qui ascendit de Edom? fuit etiam prophetice prædicta de ascensu Virginis: quæ est ista quæ ascendit velut aurora coruscans, pulcra ut luna, electa ut sol? Non solet in Scripturis pulcritudo solis et lunæ nisi corporibus proprie aptari. Inde etiam scriptum est, fœcundæ Virginis cælum amplectitur præsentiam, cum mater mediatoris venit. Et illud, ele-vatus est sol, et luna stetit in ordine suo. Illud autem davidicu[m] quomodo implebitur, adducuntur regi virgines post eam, si usque ad communem adiunctionem (2) dilata est adduci (3)? » Cui amice conspirat B. Jacobus de Voragine dicens: « Ex quibus verbis patet quod ipsa ascendit cum corporali claritate, et ista est claritas auroræ; sicut enim aurora post noctem oritur, tamen nullam obscuritatem retinet, sic etiam licet caro ejus nata fuerit de corruptibili carne, nullam tamen sentit corruptionem, sed omnem de-

(1) Cant. Cantic. cap. vi, vers. 9.

(2) Alii legendum putant resurrectionem.

posuit miseriam et poenitatem (4).» Unde totus fervor, totusque gaudium cælestium chorus inclamat: *Revertere revertere, Sulamitis, revertere, revertere, ut intueamur te* (5). Consideratione digna res est, arabicum codicem posuisse ter et non quater vocem revertere, ut probabiliter intelligamus, Patrem Filiam, Filium Matrem, Spiritum sanctum Sponsam cum anima et corpore nulla corruptione maculatam ad cælica regna vocavisse. *Revertere* primum, tota clamat sacra Trias, per potentiam Patris qui te creavit, per sapientiam Filii qui te redemit, per charitatem Spiritus sancti qui te sanctificavit; et qualiter Spiritus sanctus te sanctificavit, qualiter Filius te redemit, qualiter Pater te creavit, cum anima scilicet et corpore, *revertere*, Filia, ad Patrem, *revertere*, Mater, ad Filium, *revertere*, Sponsa, ad Spiritum sanctum, *ut intueamur te* maximum nostrum opus, maximum nostrum miraculum, maximum nostrum indeleibile decus. *Revertere* secundo propter admirabilem tuam Conceptionem, ita, ut si nulla in te culpæ labes extiterit, nulla pariter in te corruptionis macula reperiatur. *Revertere* tertio propter admirabilem tuam Maternitatem; quum plane dedebeat, illud virgineum sanctissimumque corpus cui virtus Patris obumbravit, quod pluvia charismatum Spiritus sanctus irroravit, ex quo ipse Dei Filius, stupente natura, genitus est, non in cælum de terra, sed de cælo tantæ magnitudinis in terram tantæ corruptionis revertere.

(3) Homil. in Deip. Assumpt.

(4) Serm. de Assumpt. (5) Cant. Cantic. vi, 12.

7. Sponsus ut ornatum Sponsæ commendaret, et ejus affectus omnes compositos ornatosque significaret, ad pedes illius oculos suos convertit, graves et modestos intuens: quapropter illorum elegantia captus admirans ait: *Quam pulcri sunt gressus tui in calceamentis, filia principis* (1)! Ex calceamentis autem dignosci facile potest, an quis per lutum incesserit, necne; nam cum per lutum incedit quispiam, calceamenta illius luto coquinari necessum est. Qualiter autem Sponsus Sponsam in calceamentis, id est in corpore, uti doctores opinantur interpres, tam granditer commendaret, si per lutum corruptionis corpus ejus transierit? Ad gloriosam in cœlos Assumptionem nonnulli prælata verba referunt. Et non immerito. Omnes siquidem animæ justæ, dum ex hac vita mortali discedunt, ad Deum vivendum sine calceamentis, id est sine corporis exuviis accedunt: omnes in terra relicto corpore usque ad diem resurrectionis, ex hac vita migrare conspicimus. At beata Virgo in calceamentis, in corpore scilicet, ex hac vita migravit, et in cœlum perrexit: sic enim decebat, *filiam principis* et reginam procedere: merito proinde laudatur ex calceamentis. Alii discalceati, utpote aliquando servi culpæ, de hac vita sicut e carcere proficiuntur. *Educ de custodia animam meam* (2). Ast B. Virgo peccato nunquam servivit; calceata proin esse debuit. Calceata serpentis caput contrivit, calceata pariter de illo trium-

phavit. Magnam visionem Moyses videre cupiebat: *Vadam, et video visionem hanc magnam* (3). Sed calceos exuere nudisque pedibus accedere Iesus est. Sancti Dei omnes visionem magnam videre discipiunt, id est Deum qua visione major et melior excogitari nullimode potest. Verumtamen calceamenta, videlicet membra corporis exuere, nudoque animo terram illam sanctam intrare jubentur. Una beatissima Virgo in calceamentis, cum corpore scilicet, terram illam sanctam ingreditur. Quare merito ei cum admiratione occinitur: *Quam pulcri sunt gressus tui in calceamentis, filia principis!*

8. Sed ad postremum hujusce pulcherrimi Canticorum Cantici caput nostra ruditis pertingit oratio. Ibi siquidem, Theodoreto testante, quæ superius loquuta sacra Sponsa fuerat, compendio claudit. *Læva ejus sub capite meo, et dextera illius amplexabitur me:* quo realis innuitur præsentia Dilecti quem superius Dilecta vocabat. Istam ille conspiciens, ait: *Adjuro vos, filiae Jerusalem, ne suscitatis, neque evigilare faciatis dilectam, donec ipsa velit.* Deiparæ vero mors vocari quodammodo potest quies: nemo ausus est illius sepulcrum vel temnere vel saltem visere, donec surrexit: vocari quodammodo potest sopor, quem ante culpam immisit Deus in Adam: vocari quodammodo potest dormitio, ad eum prope modum quo Christus filiam Jairi (4) et Lazarum (5) vita functos vocare dor-

(1) Cant. Cantic. cap. vii, 1.

(2) Psalm. cxli, 8.

(3) Exod. iii, 3.

(4) *Recedite; non est enim mortua puella, sed dormit* (Matth.).

(5) *Lazarus amicus noster dormit* (Joan. xi, 11).

mientes maluit, eo quod a morte revocaturus erat: immo Deiparentis mortem Ecclesia græca *dormitionem* vocat; hinc tot ejus illustrum PP. atque DD. orationes de *Dormitione Virginis Mariae*. Quapropter in versu 5°, perinde ac si Deiparentis resurrectio contigisset, magno stupore quæritur: *Quæ est ista quæ ascendit de deserto, deliciis affluens, innixa super dilectum suum?* Heic congrue mirum: etenim istud de sublimitate concipitur, et resurrectio et Assumptio sublime quiddam prorsus est. Animadvertis praeterea velim, nequaquam legi: *Quæ est ista quæ surgit;* eo quod surgere non hoc significat resurgere, sed incipere vitam, et non eam in sua retinere plenitudine. Non legitur: *Quæ est ista quæ ascendit per desertum,* quo videretur innui sua de hoc deserto vel mundo sublimatio vel elevatio quædam, sic tamen, ut ibidem remaneret, prout nuper divinus Sponsus Conceptionem Virginis ejusque divinam Maternitatem descripsit: scite tamen legitur: *Quæ est ista quæ ascendi de deserto,* quo laconice declaratur, Deiparam Virginem de hac terra exeuntem sublimiter extolli. Adjungitur autem: *deliciis affluens,* ut ostenderetur, felicitatem animæ gloriosæ Virginis in gloriosum suum corpus redundare. Dicitur etiam: *innixa super dilectum suum,* eo quia virtute Christi cœlos gloriosa condedit. Eo vel magis quod postea ratio Marianæ resurrectionis declaretur: *Sub*

(1) Cant. Cantic. viii, 3 seqq.

(2) Sap. i, 4.

(3) Orat. in Salutationem Angelicam.

(4) In Constit. *Sollicitudo omnium ecclesiærum* viii

arbore malo suscitavi te: ibi corrupta est mater tua, ibi violata est genitrix tua (1). Heic duas arbores indigitat Sponsus: illam sub cuius tegmine serpentina suasione corrumpitur Heva et morte quoque moritur: illam Crucis, ubi Christus per Mariam nobis vitam donavit. Intuitu meritorum Christi Virgo Maria, quasi sub Crucis umbra resurrectionis semina recipiens, resurrexit, et nos quoque resurgemus.

LIBER SAPIENTIÆ

DILIGITE JUSTITIAM,
QUI JUDICATIS TERRAM

1. Virgo Theotocos proprie fuit æternæ Sapientiæ habitaculum et sedes. *In malevolam animam non intrabit sapientia, nec habitabit in corpore subditio peccatis* (2). Anima porro Virginis nec malevola fuit, nec subditum peccatis corpus ejus: quoad animam igitur et corpus exitit æternæ Sapientiæ sedes et habitaculum. Hinc Andreas cretensis Mariam vocat *consecratum Regis palatum, unicum illius qui nusquam capitul, habitaculum* (3). Verumtamen in corpore Deiparentis æterna Sapientia specialiter habitavit tempore suæ *passive* Conceptionis, seu in primo illo instanti quo anima Virginis a Deo creata et in corpus infusa est, ut loquitur Alexander VII (4). Illa proinde dispositus corpus ejus, ne conditam animam parumper infuscaret. In corpore Deiparentis æterna

decembr. 1661. De qua distinctione inter conceptionem *activam* et *passivam*, cf. Bened. XIV in op. de Festis, lib. ii, cap. xv, num. 1, Op. edit. Rom. 1751, tom. x.

Sapientia specialiter habitavit, cum in illo cælitus atque divinitus conceptus est, nec non ex illo speciosissimum coagmentavit sibi corpus. Sed æterna Sapientia quæ principium et finem, introitum et exitum, vitam et mortem fortiterque suaviterque disponit, in demortuo Deiparentis corpore specialiter habitaret oportuit, ne corpus laberetur in putredinem, quemadmodum ipsa disposuit, ne anima laberetur in culpam; et ut Virginis corpus cum æterna Sapientia foret in cælo, quemadmodum ista cum corpore Virginis fuit in terra.

2. Deus creavit hominem inextirminabilem (1), scilicet incorruptibilem quoad corpus, ut explicant exegetæ omnes, dummodo tamen non fuisset Dei mandata transgressus; quapropter in cap. ii Geneseos habetur: *In quocumque die comederis ex eo, morte morieris*, et ut Symmachus verit: *mortalis eris*. Virgo autem Maria Dei Parrens nulla fuit Dei mandata transgressa: igitur Deus et inextirminabilem seu incorruptibilem creavit Deiparam Virginem, et hac prærogativa non caruit ista, quum nullatenus originali justitia caruerit. *Invidia autem diaboli mors introivit in orbem terrarum* (2). Verum, qualiter serpentinum caput conterere Virgo Maria poterat, si moriens et in morte jam remanens, illius trisulca lingua morderetur? antiquus namque coluber seu diabolus mortem nobis intulit. Quare, velut Christus moriens et resurgens, de illo triumphavit; sic Virgo Maria quæ Christo data fuit individua comes,

(1) Sap. ii, 23.
(3) Ibid. cap. ix, 15.

(2) Ibid. vers. 21.

moriens et resurgens, viperinam superbiā et invidiam conterere virginea planta debebat.

3. *Corpus quod corrumpitur, aggravat animam* (3). Unde divus Gregorius: «Ipse quotidianus,» ait, «defectus corruptionis quid est aliud, quam quædam prolixitas mortis? Quaque die morimur, ut ita dicam, eo quod pars vitæ nostræ quotidie demitur. Vere proinde *corpus quod corrumpitur, aggravat animam*. Porro neque decebat, animam tantæ Virginis aggravari, neque vitæ parentem sensim pedentimque vitam ipsam amittere. Non amittit utique vitam qui cum ipso vitæ fonte conjungitur. Unde, si retro licuit aliquando reverti, cum Veritate dicimus: *Incorrumpit facit esse proximum Deo* (5). Cum autem Virgo Deipara fines Divinitatis attingat, ita, ut sub Deo reperiatur, prout loquitur Aquinas; inde sequitur, Virginem Mariam ob tantam cum Deo necessitudinem haudquaquam in ejus corpore potuisse corrumpi.

4. *In veste poderis, quam habebat* (Aaron), *totus erat orbis terrarum* (6); color enim hyacinthinus sive cælestis cælum ipsum et aerem, linum tellurem, purpura mare, coccinum ignem figurabat. Virginei corporis typum gessit hæc pontificia vestis: ipsum namque non *microcosmos* sed potius *megacosmos*, magnus nempe mundus, vocari congrue potest. Ratio patet. Ille qui nusquam in mundo capitul, in Mariano pectore clausus, natura mirante, visus est. Hoc Pontificis aspectu ira Dei juxta mulcetur, mors

(4) Homil. 27 in Evangelia.

(5) Sap. vi, 20.
(6) Ibid. xviii, 21.

vorax aufugit: *His autem cessit, qui exterminabat, et hæc extimuit*. Ad eumdem prope modum contra Virginem Deiparam mors voraci dente minax statim ire retro cogitur, et tam sacrum venerandumque corpus ceu deauratum vestitum pulcherrima varietate circumdatum mordere formidat.

LIBER ECCLESIASTICI

OMNIS SAPIENTIA A DOMINO DEO EST

1. In hoc quoque sacro libro veritas enunciatae theseos mirabiliter elucet. *Et sic in Sion firmata sum, et in civitate sanctificata similiter requievi, et in Jerusalem potestas mea. Et radicavi in populo honorificato, et in parte Dei mei hæreditas illius, et in plenitudine sanctorum detentio mea* (1). Hisce verbis expromitur corporea Deiparentis Assumptio de terrestri ad cælestem Jerusalem. Mox enim addit sacer locus: *Quasi cedrus exaltata sum in Libano, et quasi cypressus in monte Sion* (2). Cedrus et cypressus nunquam carie læduntur. Quare statua Jovis ex cedro facta, in Capitolio posita, post annos ducentos integra et sana reperta fuit. Cypressum etiam romani eligebant ad statuas conficiendas. Et libri Numæ Pompilii chartacei reperti sunt Romæ terris infossi per annos 535 penitus incorrupti, eo quod liniti erant succo cedrino, ut scribit Plinius (3). Et Plato (4) mandavit, ut in cedro leges conscriberentur. Hinc sit, ut cum quampiam sententiam æterna memoria dignam pro-

(1) Eccl. xxiv, 15 et 16.

(2) Ibid. vers. 17.
(3) Lib. 13, cap. 13.

ferre audimus, respondeamus exemplo dicamusque: *Cedro digna locutus, hoc est digna quæ conscribantur in cedro. Quum ergo B. Virgo Maria cedro et cypresso sese confert componitque, sui corporis incorruptibilitatem et immortalitatem satis aperte deponit.*

2. *Quasi palma exaltata sum in Cades* (5). Græca versio non in Cades, sed in Engaddi legit et ponit. Sub hac metaphora palme Veritas Mariam adumbrat. Verum palma perpetuo vivet, semper foliis convestitur, lauruumque virore plantas omnes antecellit. Deipara quoque Virgo quæ figuratur in palma, præ cæteris sanctis in cælo micantissima corpore lætanlique juventute florere conspicitur.

3. *Quasi plantatio rosæ in Jericho* (6). Hortum amoenissimum variis floribus generibus consitum Ecclesiam Dei esse, nemo reperitur qui ambigat. Hoc enim in divinis paginis testassimum habemus: *Hortus conclusus, soror mea sponsa, hortus conclusus* (7). In hoc horto cælestis ille hortulanus semper adest varia semina gratiarum atque virtutum conserens, lilia nitenti castimonia candicantia, violas cælesti conversione purpurantes, rosas martyrio punicantes, quas inter eminet rosa venustissima Deipara Virgo, cui merito in Litaniis Lauretanis occimus: *Rosa mystica*. Hæc est rosa illa nobilissima quæ de illustrium regum ramis progenita est; hæc insuper rosa illa fragrantissima, in quam apis illa cælestis advolavit, cui insedit, cui adhæsit, ex qua dulcem humanitatis florem decerpit. Heic tamen animad-

(4) Lib. de legibus.
(5) Eccl. xxiv, 18.
(6) Eod. cit. loc.
(7) Cant. Cantic. iv, 12.